



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლიპარტია ზურაბ შალვას ძე



ზ. ლიპარტია

ლიპარტია ზურაბ შალვას ძე (დ. 5. VIII. 1947, სოფ. რუხი, ახლანდ. ზუგდიდის მუნიციპალიტეტი), ინჟინერ-ეკონომისტი. აფხაზეთის მეცნ. ეროვნ. აკად. წევრი (2001), ეკონ. მეცნ. დოქტორი (2000), პროფესორი (2000). დაამთავრა ლენინგრადის (ამჟამად სანქტ-პეტერბურგი) სატყეო-ტექ. აკად. საინჟინრო-ეკონ. ფაკ-ტი (1972). მუშაობდა საქართვე. „ენგურჰესშენის“ სამრეწვ.-საწარმოთა გაერთიანების გენ. დირექტორის მოადგილედ (1973-87), აფხაზეთის მ. გორკის სახ. სახელმწ. უნ-ტში (ამჟამად – სოხუმის სახელმწ. უნ-ტი) ეკონ. და ბიზნესის ფაკ-ტზე (1987-2007). შეთავსებით ეწეოდა სამეცნ.-პედ. მოღვაწეობას საქართვე. საბაჟო აკადემიაში (2000-06), ახალციხის სახელმწ. ინ-ტში (2007-13, ამჟამად – სამცხე-ჯავახეთის სახელმწ. უნ-ტი). იყო

აფხაზეთის მეცნ. აკადემიასთან არსებული სასწ.-სამეცნ. დაწესებულება შპს „აესას“ რექტორი (2002-07). 2009-იდან სტუ-ის სრული პროფესორია.

ლ. ავტორია სამეც. ნაშრომების, მ. შ. მონოგრაფიებისა და სახელმძღვანელოების. მისი სამეცნ. ნაშრომები ეხება საქართვე. რეგიონების სოც.-ეკონ. განვითარების პრიორიტეტების, აღრიცხვისა და აუდიტის საერთაშ. სტანდარტებთან ჰარმონიზაციის პრობლემების კვლევას.

დაჯილდოებულია ღირსების ორდენით (2013).

თბმ.: კორპორაციული ფინანსები (თეორია, პრაქტიკა, სტრატეგიები), ტ. 1-2, თბ., 2012-13 (თანაავტ.); ბუღალტრული აღრიცხვისა და ფინანსური აუდიტის ადმინისტრირება საქართველოში, თბ., 2017; ფინანსური მენეჯმენტის ფილოსოფია, თბ., 2017; ბიზნესის ანალიზი (შეფასება და განვითარების პროგნოზირება), თბ., 2020; სტრატეგიული მენეჯმენტი, თბ., 2022.
